



Page: 8

Reach: 0

Country: BOSNIA AND HERZEGOVINA

Size: 152 cm2

1 / 1

Nastavlja se istraga u Unsko-sanskim šumama Predložen pritvor za direktora Karića

Tužilaštvo Unsko-sanskog kantona poslalo je jučer zahtjev za određivanje mjere pritvora Enesu Kariću, jednom od direktora JP Unsko-sanskih šuma, te, kako nam je kazao portparol Tužilaštva Adnan Tulić, odgovor od suda očekuju u zakonskom roku.

Za sada se govori o samo jednom uhapšenom, a nezvanično saznajemo da je predmet privođenja i ispitivanja bio i vozač preduzeća Hajrudin Pehlivanović.

Podsjećamo, u nedjelju je SIPA počela akciju kodnog naziva Koverta, u kojoj je privedeno i ispitano vi-

še lica, te pretreseno nekoliko lokacija. Pretresi su nastavljeni i jučer u samoj upravi javnog preduzeća. Karić je član SDA, bivši vijećnik, te je prilikom hapšenja kod njega zaplijenjeno oko 20.000 maraka označenih novčanica.

Tužilaštvo provodi istragu protiv više lica iz rukovodstva JP Unsko-sanske šume, potvrdio nam je i portparol Tulić. A u Sanskom Mostu, Udruženje građana koje više mjeseci upozorava na kriminalne radnje u njihovom gradu, iznijelo je saznanja da su putem reketiranja privatnih pilana korumpirani dire-

ktori bliski SDA na ovaj način izvlačili nelegalni novac za stranačku kampanju, čime su podrivali ekonomsku moć države. Nakon što je Karić predat Tužilaštvu USK-a, nepoznate osobe su kontaktirale ovo udruženje, predstavivši se kao članovi SDA iz Sanskog Mosta, te su tvrdile da Karić nije uzimao novac za SDA, nego da je to radio na svoju ruku.

Istraga o korupciji u firmi koja vodi brigu o državnim šumama bit će nastavljena pojačanim intenzitetom, potvrđeno nam je u Tužilaštvu.

F. B.

Karić: Uzimao novac za stranačku kampanju?